

Monarcha Ford

Ceist 1

Beidh tú ag féachaint ar ball ar thuairisc faoin monarcha Ford i gCorcaigh. Gan féachaint ar an mír go fóill, an féidir leat féin agus leis an duine in aice leat Gaeilge a chur ar na focail agus na frásaí seo?

1. *a huge influence*

t _____ o _____

2. *as far as industry and employment is concerned*

ó t _____ t _____ agus f _____ de

3. *heritage*

o _____

4. *during the year*

i gc _____ na b _____

5. *engineering company*

c _____ i _____

6. *models*

m _____

7. *wood machinist*

m _____ a _____

8. *quiet production periods*

t _____ c _____ t _____

9. *stable*

s _____

10. *civil service*

s _____

Féach ar an mír den chéad uair le feiceáil an gcabhróidh sé sin leat na focail a thuiscint.

Ceist 2 Féach ar an mír den dara huair agus freagair na ceisteanna seo a leanas.

1. Cén fáth a bhfuil monarcha Ford á ceiliúradh i gCorcaigh i mbliana?
2. Cén fáth ar cuireadh agallamh ar Jimmy Crowley?
3. Cad a bhí le rá ag Jimmy Crowley agus ag Brendan Ryan?
4. Cad é an t-aon imeacht atá dearbhaithe ag an bpointe seo don chomóradh?

Ceist 3 ‘...monarcha...’

Féach ar an bhfocal ‘monarcha’ sa tuiséal ainmneach agus sa tuiséal ginideach.

An tuiséal ainmneach, uatha:	<u>an mhonarcha</u>
An tuiséal ginideach, uatha:	<u>lucht oibre na monarchan</u>
An tuiséal ainmneach, iolra:	<u>na monarchana</u>
An tuiséal ginideach, iolra:	<u>lucht oibre na monarchana</u>

Anois líon na bearnaí leis an bhfoirm cheart den fhocal ‘comharsa’. Bí cúramach, áfach; ní leanann an focal ‘comharsa’ an patrún céanna leis an bhfocal ‘monarcha’ sa tuiséal ginideach, iolra.

An tuiséal ainmneach, uatha:	_____
An tuiséal ginideach, uatha:	_____
An tuiséal ainmneach, iolra:	_____
An tuiséal ginideach, iolra:	_____

Ceist 4 ‘...théadh...’ vs chuaigh

1. Cén aimsir atá i gceist leis an bhfocal a bhfuil líne faoi sa sampla thuas?
2. Cad is brí leis an dá abairt seo?

Théadh muintir na háite ag obair sa mhonarcha gach lá ag a naoi a chlog.

Chuaigh na hoibrithé ag obair sa mhonarcha inné ar a naoi a chlog.

3. Bain úsáid as na briathra thíos chun deirí na haimsire gnáthchaite a léiriú.

Dún	Ceannaigh

Ói	Fan

Ceist 5 ‘...Má bhí...’

Sin sampla d’úsáid **Má** (if an Bhéarla) san aimsir chaite. Seo thíos cúpla nod chun **Má** a úsáid san aimsir chaite.

- Séimhítear túschonsain a leanann **Má** san aimsir chaite, ach amháin na briathra *faigh* agus *abair*. Mar shampla:

*Má cheannaigh sí é, is dócha go dtaitníonn sé léi.
Má fuair tú marc ard, cén fáth nach bhfuil tú sásta?
Má dúirt sé leat an ceapaire a chaitheamh amach, caith amach é!*

- Ní chailltear an **d’** tar éis **Má** san aimsir chaite:

Má d’ith sé dhá bhurgar, ní chuireann sé iontas orm go bhfuil sé tinn.

Cuir Gaeilge are na habairtí seo thíos anois.

1. *If you were there, I didn’t see you.*
2. *Of course you need to go to the toilet, if you drank all that water!*
3. *If you succeeded in the exam, I didn’t hear anything about it.*
4. *If you lost the money, Daddy will be very angry.*
5. *If you went to school, there shouldn’t be any problem.*

Ceist 6 Pléigh na ceistanna seo leis an duine in aice leat, nó le do ghrúpa.

1. An bhfuil aon mhonarcha mhór i do cheantar féin a chuireann obair ar fáil do mhuintir na háite?
2. Cad iad na monarchana is mó a chuireann obair ar fáil in Éirinn sa lá atá inniu ann?
3. An bhfuil sé de cheart ag an rialtas buntáistí cánach a thabhairt do chomhlachtaí móra idirnáisiúnta a lonnaíonn sa tír seo?

Treoracha agus Freagraí

Ceist 1

1. *a huge influence* – tionchar ollmhór
2. *as far as industry and employment is concerned* – ó thaobh tionsclaíochta agus fostaíochta de
3. *heritage* – oidhreacht
4. *during the year* – i gcaitheamh na bliana
5. *an engineering company* – comhlacht innealtóireachta
6. *models* – múnlaí
7. *wood machinist* – meaisíneoir adhmaid
8. *quiet production periods* – tréimhsí ciúine táirgeachta
9. *stable* – seasmhach
10. *civil service* – státseirbhís

Ceist 2

Féach an script.

Ceist 3

An tuiseal ainmneach, uatha: an chomharsa
 An tuiseal ginideach, uatha: teach na comharsan
 An tuiseal ainmneach, iolra: na comharsana
 An tuiseal ginideach, iolra: tithe na gcomharsan

Ceist 4

1. An aimsir ghnáthchaite.
2. *The locals used to go to work in the factory every day at nine o'clock. agus The workers went to work at the factory yesterday at nine o'clock.*
- 3.

Dún	Ceannaigh
dhúnainn	cheannaínn
dhúntá	cheannaíteá
dhúnadh sé	cheannaíodh sé
dhúnadh sí	cheannaíodh sí
dhúnaimis	cheannaímis
dhúnadh sibh	cheannaíodh sibh
dhúnaidís	cheannaídís
<u>Sb.</u>	<u>Sb.</u>
dhúntaí	cheannaítí

Ól	Fan
d'ólainn	d'fhanainn
d'óltá	d'fhaná
d'óladh sé	d'fhanadh sé
d'óladh sí	d'fhanadh sí
d'ólaimis	d'fhanaimis
d'óladh sibh	d'fhanadh sibh
d'ólaidís	d'fhanaidís
<u>Sb.</u>	<u>Sb.</u>
d'óltaí	d'fhanatáí

Ceist 5

1. Má bhí tú ann, ní fhaca mé thú.
2. Is cinnte go gcaithfidh tú dul go dtí an leithreas, má d'ól tú an t-uisce sin ar fad!
3. Má d'éirigh leat sa scrúdú, níor chuala mé aon ní faoi.
4. Má chaill tú an t-airgead, beidh an-fhearg ar Dhaidí.
5. Má chuaigh tú ar scoil, níor cheart go mbeadh aon fhadhb ann.

Ceist 6

Is féidir gach beirt a chur ag déanamh an phlé seo agus ansin cuid de na ceisteanna a phlé leis an rang iomlán.

Eimear Ní Chonaola

Céad bliain i mí Aibreáin seo chugainn a bhunaigh Henry Ford monarcha i gCorcaigh. Bhí tionchar ollmhór ag an monarcha Ford ar an gcathair ó thaobh tionsclaíochta agus fostaíochta de, agus táthar leis an oidhreacht sin a cheiliúradh i gcaitheamh na bliana.

Grett O'Connor

Is i mí Aibreáin 1917 a chláraigh Henry Ford comhlacht innealtóireachta i gCorcaigh. In ainneoin an Chéad Chogaidh Dhomhanda¹, d'éirigh leis an gcomhlacht dul i dtreise. Tarracóirí Fordson a bhí á gcur le chéile ar dtús ann ach, de réir a chéile, tógadh na múnlaí gluaisteáin ar fad ba mhó le rá a bhí ag Ford: an *model T*, mar shampla, an *Prefect*, *Anglia*, *Sierra*, *Escort* agus *Cortina*.

Tá an ceoltóir agus an cumadóir Jimmy Crowley i measc na mílte Corcaíoch go² raibh an comhlacht Ford mar chuid dá saol. Nuair a briseadh a athair as a phost mar mheaisíneoir adhmaid, b'éigean dó dul ag obair sa mhonarcha Ford in Dagenham na Breataine, áit ina raibh beirt uncailí le Jimmy ag obair cheana féin. Is thall ansin a théadh an-chuid d'oibrithe Ford i gCorcaigh le linn tréimhsí ciúine táirgeachta.

Jimmy Crowley, Ceoltóir agus Cumadóir

Táimid ag caint ar lucht Apple sa lá atá inniu ann. Ba mhór an tionchar a bhí ag Henry Ford, agus ba mhór an t-airgead, dar³ ndóigh, an dtuigeann tú? Bhí sé níos forleithne agus níos mó san am sin, agus bhí Dunlop ann leis. Bhíodar⁴ ag obair ar scáth a chéile, is dócha. Agus dá mbeadh post agat le Henry Ford – mar a dúirt mo mham, 'Put your name down for Henry Ford, boy' – ní bheadh aon bhaol duit as seo amach.

Brendan Ryan, Iar-Sheanadóir, Páirtí an Lucht Oibre

Má bhí jab agat le Ford, bhí sé chomh seasmhach agus a bhí jab sa státseirbhís. B'in a cheap daoine ach b'in sna tríochaidí, sna daichidí, sna caogaidí agus caithfear cuimhneamh conas mar a bhí an tír ag an am sin. Bhí bochtanas sa tír, bhí an-bhochtanas faoin dtuath⁵, agus teacht isteach go dtí an chathair agus jab a fháil in Ford – do bhí ... a raibh pá réasúnta maith ann – b'iontach an t-athrú⁶ é do dhaoine agus cheap daoine gur mar sin a leanfadh sé i gcónaí.

Grett O'Connor

Tá clár imeachtaí leagtha amach ag Ford Ireland don chomóradh céad bliain. Fógrófar sonraí na n-imeachtaí sin diaidh ar ndiaidh i rith na bliana. An t-aon rud atá dearbhaithe acu cheana féin ná go mbeidh dinnéar foirmiúil ar siúil i Halla na Cathrach ar an aonú lá is fiche de mhí Aibreáin, céad bliain is an lá ó bunaíodh monarcha de chuid Ford anseo.

Grett O'Connor, Nuacht TG4, Corcaigh.

¹ an Chéad Chogadh Domhanda a deirtear

² a raibh an leagan caighdeánach

³ ar ndóigh an leagan caighdeánach

⁴ Bhí siad an leagan caighdeánach

⁵ Córas na Mumhan

⁶ an athrú a deirtear